

**ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის**

სხდომის ოქმი N6

ქ. ლანჩხუთი

26.09.2019წელი

12.00 საათი

სხდომას ესწრებოდა: საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე **გიორგი გვარჯალაძე**.

კომისიის წევრები: ზაზა წულაძე, რეზო კვაჭაძე, აკაკი იმნაიშვილი, იოსებ ჩხაიძე, სპარტაკ კვაჭაძე, ოთარ პატიშვილი, ელისო ჭიჭინაძე, კახა ბოლქვაძე, ირაკლი მარშანიშვილი, ემზარ თევდორაძე.

მოწვეული სტუმარები: ლანჩხუთის მუნიციპალიტეტის მერიის იურიდიული სამსახურის უფროსი **შოთა ჩაგუნავა**, ინფრასტრუქტურის სამსახურის სივრცითი მოწყობის განყოფილების უფროსი **ალეკო კირვალიძე**, საკრებულოსთან არსებული სამუშაო ჯგუფის ხელმძღვანელი **ამირან გიგინეიშვილი**.

სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარის მოვალეობის შემსრულებელი **ვლადიმერ ნანაძე**, ლანჩხუთის მუნიციპალიტეტის მერის თანაშემწე **თორნიკე ტიკაძე**, საკრებულოს აპარატის საორგანიზაციო განყოფილების მთავარი სპეციალისტი **საზოგადოებასთან ურთიერთობის საკითხებში მაია კუპატაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ხათუნა ვადაჭკორია**.

კომისიის თავმჯდომარემ, გიორგი გვარჯალაძემ, სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების - ავტომანქანის პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის №14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: გ. გვარჯალაძე/

2. „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: გ. გვარჯალაძე/

3. „კურორტ გრიგოლეთის მდგრადი განვითარების სტრატეგიული გეგმის დამტკიცების შესახებ“ ლანჩხუთის მუნიციპალიტეტის განკარგულების პროექტის განხილვის შესახებ.

/მომხსენებელი: გ. გვარჯალაძე/

4. სხვადასხვა საკითხები.

კომისიის თავმჯდომარემ, გიორგი გვარჯალაძემ კენჭი უყარა დღის წესრიგის პროექტს:

მომხრე 11; წინააღმდეგი არცერთი.

1. დღის წესრიგის პირველი საკითხი: „ლანჩუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების - ავტომანქანის პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩუთის მუნიციპალიტეტის საკრებულოს 2017 წლის 30 მაისის №14 დადგენილებაში ცვლილების შეტანის თაობაზე“ კომისიის წევრებს გააცნო კომისიის თავმჯდომარემ ბატონმა გიორგი გვარჯალაძემ. მან განმარტა, რომ პროექტი მომზადებულია შეზღუდული შესაძლებლობის მქონე პირთა და ადაპტირებული სატრანსპორტო საშუალების პარკირების ადგილისათვის განსაზღვრული საცნობი ნიშნის ფორმის დამტკიცებისა და საცნობი ნიშნის ფორმის გაცემის პროცედურების სრულყოფის მიზნით. პროექტის მიღება არ გამოიწვევს ადგილობრივი ბიუჯეტის ხარჯების ზრდას და მასში შედის შემდეგი სახის ცვლილება, კერძოდ:

დადგენილების პირველი მუხლი ჩამოყალიბდეს შემდეგი რედაქციით:

„მუხლი 1.

1. დამტკიცდეს ლანჩუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების- ავტომანქანების პარკირების ადგილების განსაზღვრისა და ავტომანქანების პარკირების წესები დანართი N1-ის შესაბამისად.

2. დადგინდეს შეზღუდული შესაძლებლობის მქონე პირთა და ადაპტირებული სატრანსპორტო საშუალების პარკირების ადგილისათვის განსაზღვრული საცნობი ნიშნის ფორმა დანართი N2-ის შესაბამისად.“

დადგენილების მე-2 მუხლი ჩამოყალიბდეს შემდეგი რედაქციით:

„მუხლი 2.

2020 წლის 1 მარტამდე ლანჩუთის მუნიციპალიტეტის მერმა უზრუნველყოს პარკირების ორგანიზებისთვის შესაბამისი გარემოს შექმნა“ .

დადგენილების პირველი მუხლის პირველი პუნქტით დამტკიცებული „ლანჩუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების-ავტომანქანების პარკირების ადგილების განსაზღვრისა და ავტომანქანების პარკირების წესების“ :

ა) მე-6 მუხლი ჩამოყალიბდეს შემდეგი რედაქციით:

„მუხლი 6. პარკირების ორგანიზება:

1. ლანჩუთის მუნიციპალიტეტის მერია უფლებამოსილია პარკირების ორგანიზება მთლიანად ან ნაწილობრივ განახორციელოს ლანჩუთის მუნიციპალიტეტის მიერ დაფუძნებული იურიდიული პირის მეშვეობით, წინამდებარე წესის შესაბამისად.

2. ლანჩუთის მუნიციპალიტეტის მერიის მიერ პარკირების ორგანიზება გულისხმობს:

ა) პარკირების საერთო და სპეციალური ადგილების განსაზღვრის, პარკირების საერთო ადგილებზე ავტომანქანების დგომის წესების დადგენას (მართობული დგომა, 90 გრადუსიანი დგომა ან/და 45 გრადუსიანი დგომა);

ბ) ლანჩუთის მუნიციპალიტეტის ტერიტორიაზე არსებულ ქუჩებზე ავტომანქანების პარკირების მთლიანად ან ნაწილობრივ შეზღუდვის თაობაზე გადაწყვეტილების მიღებას;

გ) პარკირების სპეციალურ ადგილებზე ცალკეული ავტომანქანის პარკირებისათვის გარკვეული მოთხოვნების შემუშავებას და საკრებულოსათვის დასამტკიცებლად წარდგენას;

დ) პარკირების ადგილების შესაბამისი საცნობარო და საინფორმაციო ნიშნებით აღჭურვას, პარკირების ადგილებზე სანიტარიულ-ჰიგიენური პირობების დაცვის უზრუნველყოფას;

ე) საქართველოს კანონმდებლობითა და წინამდებარე წესით გათვალისწინებული სხვა უფლება-მოვალეობების განხორციელებას.

3. ფიზიკური თუ იურიდიული პირების ან/და კერძო სამართლის სხვა სუბიექტების საკუთრებაში ან/და სარგებლობაში არსებულ მიწის ნაკვეთზე პარკირების ორგანიზება გულისხმობს:

- ა) პარკირების ადგილების მიზნობრივად გამოყენების უზრუნველყოფას;
- ბ) პარკირების ადგილების საცნობარო და საინფორმაციო ნიშნებით აღჭურვას;
- გ) პარკირების ადგილებზე სანიტარიულ-ჰიგიენური პირობების დაცვის უზრუნველყოფას;
- დ) პარკირების ადგილებზე ავტომანქანების დგომის წესების დაცვაზე კონტროლის დაწესებას;
- ე) პარკირების ადგილების მოწყობაზე ლანჩხუთის მუნიციპალიტეტის მერიის თანხმობის წერილით გათვალისწინებული სხვა ვალდებულებების შესრულებას;
- ვ) წინამდებარე წესის მოთხოვნების სრულად შესრულებას.“
- ბ) მე-7 მუხლი ჩამოყალიბდეს შემდეგი რედაქციით:

„მუხლი 7. პარკირების ორგანიზების უფლების გადაცემა:

1. პარკირების ორგანიზების უფლება პირდაპირი წესით, უსასყიდლოდ გადაეცემათ:

- ა) სახელმწიფო ან/და ავტონომიური რესპუბლიკების აღმასრულებელ და წარმომადგენლობით ორგანოებს, მხოლოდ სამსახურებრივი საჭიროებიდან გამომდინარე;
- ბ) ლანჩხუთის მუნიციპალიტეტის მიერ დაფუძნებულ იურიდიულ პირებს ან/და იურიდიულ პირებს, რომლის 50%-ზე მეტი წილის მფლობელი არის ლანჩხუთის მუნიციპალიტეტი, მხოლოდ სამსახურებრივი საჭიროებიდან გამომდინარე;
- გ) სახელმწიფოს მიერ მიერ დაფუძნებულ იურიდიულ პირებს ან/და იურიდიულ პირებს, რომლის 50%-ზე მეტი წილის მფლობელი არის სახელმწიფო, მხოლოდ სამსახურებრივი საჭიროებიდან გამომდინარე;
- დ) ავტონომიური რესპუბლიკების მიერ დაფუძნებულ იურიდიულ პირებს ან/და იურიდიულ პირებს, რომლის 50%-ზე მეტი წილის მფლობელია ავტონომიური რესპუბლიკები, მხოლოდ სამსახურებრივი საჭიროებიდან გამომდინარე;
- ე) დიპლომატიურ წარმომადგენლობებს, მხოლოდ სამსახურებრივი საჭიროებიდან გამომდინარე;
- ვ) საერთაშორისო ორგანიზაციებს და მისიებს, მხოლოდ სამსახურებრივი საჭიროებიდან გამომდინარე.

2. პარკირების ორგანიზების უფლების უსასყიდლოდ გადაცემის მოთხოვნასთან ერთად ამ მუხლის პირველი პუნქტით განსაზღვრული პირები ლანჩხუთის მუნიციპალიტეტის მერს წარუდგენენ პარკირების ადგილების მოწყობის ესკიზურ პროექტს, რომელიც უნდა ითვალისწინებდეს პარკირების ადგილების კეთილმოწყობისა და პარკირების ადგილებზე ავტომანქანების დგომის წესებს (მართობული დგომა, 45- გრადუსიანი დგომა, 90-გრადუსიანი დგომა), თუ პარკირების ადგილებისათვის, რომელსაც მოიცავს პარკირების ორგანიზების უფლება, უკვე დადგენილი არ არის აღნიშნული წესები ან/და მიზანშეწონილია ავტომანქანების დგომის უკვე დადგენილი წესებისაგან განსხვავებული წესების დადგენა.

3. ამ მუხლის პირველი პუნქტით განსაზღვრული პირები ვალდებული არიან პარკირებისათვის გადაცემული ადგილების, ლანჩხუთის მუნიციპალიტეტის მერის მიერ შეთანხმებული ესკიზური პროექტის შესაბამისად კეთილმოწყობა განახორციელონ ლანჩხუთის მუნიციპალიტეტის მერის მიერ თანხმობის წერილით დაწესებულ ვადაში.

4. დაუშვებელია უსასყიდლოდ გადაცემულ იქნეს პარკირების სპეციალური ადგილების ორგანიზების უფლება.

5. პარკირების ორგანიზების უფლების უსასყიდლოდ გადაცემისას, პარკირების ადგილებით სარგებლობისათვის, რომელსაც მოიცავს პარკირების ორგანიზების უფლება, აკრძალულია რაიმე სახის საფასურის დაწესება.

6. პარკირების ორგანიზების უფლების უსასყიდლოდ გადაცემისას, პარკირების ადგილები, რომელსაც მოიცავს პარკირების ორგანიზების უფლება, აკრძალულია გამოყენებულ იქნეს პარკირების სპეციალურ ადგილებად.“

გ) მე-9 მუხლის მე-6 პუნქტი ჩამოყალიბდეს შემდეგი რედაქციით:

„მუხლი 6.

ლანჩხუთის მუნიციპალიტეტის ტერიტორიაზე არსებულ ქუჩებზე ავტომანქანების პარკირების მთლიანად ან ნაწილობრივ შეზღუდვის თაობაზე გადაწყვეტილებას იღებს ლანჩხუთის მუნიციპალიტეტის მერი.

დ) მე-10 მუხლი ჩამოყალიბდეს შემდეგი რედაქციით:

„მუხლი 10. ლანჩხუთის მუნიციპალიტეტის ადმინისტრაციული შენობის მიმდებარე ტერიტორიაზე ავტოსატრანსპორტო საშუალებათა დგომა/გაჩერების წესი:

1. აკრძალულია ადმინისტრაციული შენობის წინ მდებარე პირველ და მეორე ზოლში ავტოსატრანსპორტო საშუალებათა დგომა/გაჩერება ხუთ წუთზე მეტი დროით, თუ ეს არ ეხება მგზავრთა ჩასხდომა- გადმოსხდომას.

2. ადმინისტრაციული შენობის წინ მდებარე პირველ ზოლში ნებადართულ იქნეს მხოლოდ ლანჩხუთის მუნიციპალიტეტის მერის, მერის პირველი მოადგილის/მოადგილის, საკრებულოს თავმჯდომარის და საკრებულოს თავმჯდომარის მოადგილის საკუთრებაში/სარგებლობაში არსებულ ავტოსატრანსპორტო საშუალებათა დგომა/გაჩერება.

3. ადმინისტრაციული შენობის წინ მდებარე მეორე ზოლში ნებადართულია მხოლოდ მერიის/საკრებულოს თანამშრომელთა და საკრებულოს წევრთა საკუთრებაში/სარგებლობაში არსებულ ავტოსატრანსპორტო საშუალებათა დგომა/გაჩერება.

4. აღნიშნულ ზოლებში დგომა/გაჩერების უფლების მქონე ავტომობილებზე გაიცემა დადგენილი ნიშნების საშვი.“

ე) მე-16 მუხლი ჩამოყალიბდეს შემდეგი რედაქციით:

„მუხლი 16. საცნობი ნიშნის გაცემა:

1. საცნობი ნიშნის მისაღებად მუნიციპალიტეტის ტერიტორიაზე მცხოვრები შეზღუდული შესაძლებლობის მქონე პირი უფლებამოსილია წერილობითი ფორმით მიმართოს მერიას და მას დაურთოს „სამედიცინო- სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის N64/ნ ბრძანების პირველი პუნქტით დამტკიცებული დანართი 2- ით განსაზღვრული ფორმა NIV-50/2-ის შესაბამისად გაცემული პირის მკვეთრად გამოხატული შეზღუდული შესაძლებლობის დამადასტურებელი ცნობა ან საქართველოს შრომის, ჯანმრთელობისა და სოციალური დაცვის სამინისტროს საჯარო სამართლის იურიდიული პირის – სოციალური მომსახურების სააგენტოს მიერ გაცემული ცნობა სახელმწიფო გასაცემლების მიმღებთა სააღრიცხვო ბაზაში რეგისტრირებულ მკვეთრად გამოხატული შეზღუდული შესაძლებლობის მქონე პირის სტატუსის შესახებ. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.

2. საცნობი ნიშნის მისაღებად მუნიციპალიტეტის ტერიტორიაზე მცხოვრები არასრულწლოვანი შეზღუდული შესაძლებლობის მქონე პირის კანონიერი წარმომადგენელი უფლებამოსილია წერილობითი ფორმით მიმართოს მერიას და მას დაურთოს „სამედიცინო-სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის №64/ნ ბრძანების პირველი პუნქტით დამტკიცებული დანართი 2-ით განსაზღვრული ფორმა NIV-50/2-ის შესაბამისად გაცემული პირის მკვეთრად გამოხატული შეზღუდული შესაძლებლობის დამადასტურებელი ცნობა ან საქართველოს შრომის, ჯანმრთელობისა და სოციალური დაცვის სამინისტროს საჯარო სამართლის იურიდიული პირის – სოციალური მომსახურების სააგენტოს მიერ გაცემული ცნობა სახელმწიფო გასაცემლების მიმღებთა სააღრიცხვო ბაზაში რეგისტრირებულ მკვეთრად გამოხატული შეზღუდული შესაძლებლობის მქონე პირის სტატუსის შესახებ, დაბადების მოწმობის დედანი ან ნოტარიულად დამოწმებული ქსეროასლი, კანონიერი წარმომადგენლობის დამადასტურებელი დოკუმენტის დედანი ან ნოტარიულად დამოწმებული ქსეროასლი. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.

3. საცნობი ნიშნის მისაღებად მუნიციპალიტეტის ტერიტორიაზე მცხოვრები შეზღუდული შესაძლებლობის მქონე პირის მშობელი/კანონიერი წარმომადგენელი უფლებამოსილია წერილობითი ფორმით მიმართოს მერიას და მას დაურთოს „სამედიცინო-სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის N64/ნ ბრძანების პირველი პუნქტით დამტკიცებული დანართი 2-ით განსაზღვრული ფორმა NIV- 50/2-ის შესაბამისად გაცემული პირის მკვეთრად გამოხატული შეზღუდული შესაძლებლობის დამადასტურებელი ცნობა ან საქართველოს შრომის, ჯანმრთელობისა და სოციალური დაცვის სამინისტროს საჯარო სამართლის იურიდიული პირის – სოციალური მომსახურების სააგენტოს მიერ გაცემული ცნობა სახელმწიფო გასაცემლების მიმღებთა სააღრიცხვო ბაზაში რეგისტრირებულ მკვეთრად გამოხატული შეზღუდული შესაძლებლობის მქონე პირის სტატუსის შესახებ, პირის შეზღუდული ქმედუნარიანობის დამადასტურებელი დოკუმენტის დედანი ან დამოწმებული ქსეროასლი, მშობლობის ან კანონიერი წარმომადგენლობის დამადასტურებელი დოკუმენტის დედანი ან ნოტარიულად დამოწმებული ქსეროასლი. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.

4. შეზღუდული შესაძლებლობის მქონე პირზე გაიცემა ერთი საცნობი ნიშანი.

5. შეზღუდული შესაძლებლობის მქონე პირისთვის ადაპტირებული სატრანსპორტო საშუალების მესაკუთრე ფიზიკურ/იურიდიულ პირზე გაიცემა იმ რაოდენობის საცნობი ნიშანი, რამდენი ადაპტირებული სატრანსპორტო საშუალებაც მას აქვს საკუთრებაში.

6. საცნობი ნიშანი გაიცემა უსასყიდლოდ პირველი, მე-3 და მე-4 პუნქტების შესაბამისად -2 წლის ვადით, მე-2 პუნქტის შესაბამისად-არასრულწლოვანი შეზღუდული შესაძლებლობის მქონე პირის სრულწლოვანობამდე (ამასთან, საშვის მოქმედების ვადა ყოველ გაცემაზე არ უნდა აღემატებოდეს 2 წელს), ხოლო მე-5 პუნქტის შესაბამისად- სატრანსპორტო საშუალების მესაკუთრე იურიდიული პირის რეგისტრაციის კანონმდებლობით დადგენილი წესით გაუქმებამდე (ამასთან, საშვის მოქმედების ვადა ყოველ გაცემაზე არ უნდა აღემატებოდეს 2 წელს), ან იმგვარი გარემოების დადგომამდე, რომლის არსებობისას საშვი არ გაიცემოდა.

7. საცნობი ნიშანი განთავსებული უნდა იყოს სატრანსპორტო საშუალების წინა საქარე მინაზე, ისე, რომ უფლებამოსილი პირის მიერ შესაძლებელი იყოს მისი ამოკითხვა.

8. საცნობი ნიშანი გამოყენებული უნდა იქნეს მხოლოდ იმ პირის მიერ ან/და სატრანსპორტო საშუალებისათვის, რომლისთვისაც ის გაიცა.

9. საცნობი ნიშნის მფლობელის მიერ ლანჩხუთის მუნიციპალიტეტის მერიაში წერილობითი ფორმით ახალი საცნობი ნიშნის აღების თაობაზე დასაბუთებული მოთხოვნის წარდგენის შემთხვევაში, თუ ლანჩხუთის მუნიციპალიტეტის მერია ჩათვლის საჭიროდ, მფლობელი/არასრულწლოვანი/შეზღუდული ქმედუნარიანობის მქონე პირის მშობელი/კანონიერი წარმომადგენელი ვალდებულია, ამ მუხლის პირველი, მე-2 ან მე-3 პუნქტით განსაზღვრული დოკუმენტაცია ლანჩხუთის მუნიციპალიტეტის მერიაში წარადგინოს ხელახლა, რის შემდეგაც ლანჩხუთის მუნიციპალიტეტის მერიის მიერ ახალი საცნობი ნიშანი გაიცემა ამ მუხლის მე-6 პუნქტით განსაზღვრული ვადით.

10. საცნობი ნიშნის დაკარგვის ან დაზიანების შემთხვევაში, მფლობელი ვალდებულია შესაბამისი ინფორმაცია დაუყონებლივ მიაწოდოს ლანჩხუთის მუნიციპალიტეტის მერიას.

11. საცნობი ნიშნის დაკარგვისას, მისი აღდგენის თხოვნით ლანჩხუთის მუნიციპალიტეტის მერიას წერილობით მიმართავს საცნობი ნიშნის კანონიერი მფლობელი და აღდგენისთვის. მასვე ეკისრება ლანჩხუთის მუნიციპალიტეტის ანგარიშზე თანხის გადახდის ვალდებულება ათი ლარის ოდენობით.

12. თუ საცნობი ნიშანი ამ წესის შესაბამისად არ იქნება განთავსებული სატრანსპორტო საშუალებაზე და მოხდება ამ სატრანსპორტო საშუალების პარკირება შეზღუდული შესაძლებლობის მქონე პირისათვის განსაზღვრულ პარკირების ადგილზე, აღნიშნული შემთხვევა განიხილება შეზღუდული შესაძლებლობის მქონე პირის სატრანსპორტო საშუალებისთვის განსაზღვრულ პარკირების ადგილზე არაუფლებამოსილი პირის მიერ სატრანსპორტო საშუალების პარკირებად.

13. პარკირების ოპერატორი ვალდებულია საექვო საცნობი ნიშნის დაფიქსირების შემთხვევაში უზრუნველყოს სამართალდამცავი ორგანოებისათვის ინფორმაციის მიწოდება.

14. საცნობი ნიშნის მოქმედება ვადამდე წყდება იმ შემთხვევაში, თუ: ა) საცნობი ნიშანი მიღებულია არასწორი ინფორმაციის წარდგენის საფუძველზე; ბ) საცნობი ნიშნის მფლობელმა საცნობი ნიშანი გადასცა სხვას; გ) სხვა ისეთი გარემოების აღმოჩენის ან გამოვლენისას, რომლის არსებობის შემთხვევაშიც საცნობი ნიშანი არ გაიცემა.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

კომისიამ მიიღო გადაწყვეტილება: „ლანჩხუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების - ავტომანქანის პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის №14 დადგენილებაში ცვლილების შეტანის თაობაზე“

დადგენილების პროექტი გადაეცეს საკრებულოს 2019 წლის 27 სექტემბერის სხდომას განსახილველად.

მომხრე 11; წინააღმდეგი არცერთი.

დღის წესრიგის მეორე საკითხი: „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო კომისიის თავმჯდომარემ გიორგი გვარჯალაძემ. მან განმარტა, რომ გრიგოლეთსა და ყვავილნარს არ გააჩნია კანონმდებლობის შესაბამისად შემუშავებული და დამტკიცებული ქალაქთმშენებლობითი დაგეგმვის დოკუმენტაცია. კურორტის განვითარება ხდება არაგეგმიურად და უსისტემოდ, რაც ზღუდავს მნიშვნელოვანი ბუნებრივი რესურსების ეფექტიან გამოყენებას. დაგეგმვის მიზანია სანიტარული დაცვის ზონებისა და შესაბამისი რეჟიმების დადგენა და მის საფუძველზე მდგრადი განვითარების პრინციპებზე დაფუძნებული, არსებული გამოწვევების შესაბამისი ქალაქთმშენებლობითი დოკუმენტაციის შემუშავება, სადაც გათვალისწინებული იქნება შემდეგი საკითხები: გეგმარებითი ერთეულის კვლევა, გეგმარებითი ერთეულის განსაზღვრა, განვითარების სტრატეგია, გეგმის კონცეფციის შემადგენლობა, მათი შემუშავების გეგმა-გრაფიკი, საჭიროების შემთხვევაში გარემოსდაცვითი შეფასების ანგარიში და სხვა დოკუმენტაციის მომზადება. ლანჩხუთის მუნიციპალიტეტის მერიის გადაწყვეტილება გრიგოლეთისა და ყვავილნარის სანაპირო ზოლის განაშენიანების გეგმის შემუშავების თაობაზე უნდა შეთანხმდეს საკრებულოსთან.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

კომისიამ მიიღო გადაწყვეტილება: „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

განკარგულების პროექტი გადაეცეს საკრებულოს 2019 წლის 27 სექტემბერის სხდომას განსახილველად.

მომხრე 11; წინააღმდეგი არცერთი.

დღის წესრიგის მესამე საკითხი: „კურორტ გრიგოლეთის მდგრადი განვითარების სტრატეგიული გეგმის დამტკიცების შესახებ“ ლანჩხუთის მუნიციპალიტეტის განკარგულების პროექტი კომისიას

გააცნო სამუშაო ჯგუფის ხელმძღვანელმა **ამირან გიგინეიშვილმა**. მან განაცხადა, რომ „სანაპირო სოფელ გრიგოლეთის 2019-2023 წლების მდგრადი განვითარების ინტეგრირებული გეგმა“ შემუშავდა ლანჩხუთის მუნიციპალიტეტის სამუშაო ჯგუფის მიერ ადგილობრივი მოსახლეობისა და დაინტერესებული მხარეების მონაწილეობით.

მან მადლობა გადაუხადა საკრებულოს ბიუროს წევრებს, რომლებიც სამუშაო ჯგუფის წევრები არიან, პროფესორს - **შუქრი თავართქილაძეს** და **მამუკა გვილაშას** - შავი ზღვის საერთაშორისო კომისიის სანაპიროს ინტეგრირებული მართვის წარმომადგენელი საქართველოში.

ამირან გიგინეიშვილმა აღნიშნა, რომ საქართველოში, გურიის რეგიონის სანაპიროზე მდებარე გრიგოლეთის თემის (სუფსის ადმინისტრაციული ერთეული, ლანჩხუთის მუნიციპალიტეტი) სტრატეგიული გეგმის შემუშავებელმა ლანჩხუთის მუნიციპალიტეტის საკრებულოს სამუშაო ჯგუფმა წინამდებარე გეგმის ჩამოყალიბება 2019 წლის მაისში დაიწყო ექსპერტებისა და დაინტერესებული მხარეების მხარდაჭერით. ჩატარდა თემის სოციალური გამოკითხვა იმის დასადგენად, თუ ვინ ცხოვრობს ამჟამად გრიგოლეთში, როგორია საცხოვრებელი პირობები, შემოსავლის ტიპური წყაროები და როგორ აღიქვამს მოსახლეობა საკუთარი ცხოვრების სტილს და სამომავლო შესაძლებლობებს. ამავე დროს შეგროვდა, გაანალიზდა და გეოგრაფიული ინფორმაციული სისტემის (გ.ი.ს.) რუკების დახმარებით თვალსაჩინოდ იქნა წარმოდგენილი ინფორმაცია მიწათსარგებლობის და ეკოლოგიურად მნიშვნელოვანი ადგილების შესახებ.

გეგმის შემუშავების ფარგლებში გარდა სამუშაო ჯგუფის შეხვედრებისა, ჩატარდა ასევე ფოკუს ჯგუფები, სადაც თემის ოცამდე წარმომადგენელმა და გადაწყვეტილების მიმღებმა პირმა (მუნიციპალური ხელისუფლების წარმომადგენლებმა, პედაგოგებმა, ფერმერებმა თუ ბიზნესმენებმა) იმსჯელა გრიგოლეთის მომავალთან დაკავშირებით მათი ხედვისა თუ მოსაზრებების შესახებ. ამ ძალზე ინტერაქტიულ შეხვედრაზე ჩამოყალიბდა ე.წ. SWOT ანალიზი, სამომავლო განვითარების ხედვის და პრიორიტეტული მიზნების ჩამონათვალი. სამომავლო გეგმებში, სხვა ქმედებათა შორის, ხაზგასმით აღინიშნა ბუნებრივი და კულტურული მემკვიდრეობის შენარჩუნების და მუნიციპალური (სათემო) ინფრასტრუქტურით უკეთესი უზრუნველყოფის აუცილებლობა. ცხადი გახდა, რომ სოფლის მოსახლეობა კარგად აცნობიერებს არსებულ სირთულეებს და იმ გადაწყვეტილებებს, რომლებიც აუცილებელია სანაპიროს ამ რეგიონში ცხოვრების პირობების გასაუმჯობესებლად, ტურისტული პოტენციალის ასამაღლებლად.

აღნიშნულ პროექტში დეტალურად გაწერილია სამოქმედო გეგმა და ჩამოყალიბებულია მიმართულებები.

1. შესავალი
2. ადმინისტრაციული და სამართლებრივი სტრუქტურა
 - 2.1. ადმინისტრაციული სტატუსი და საკუთრების უფლებები
 - 2.2. სანაპირო ზონის მართვა საქართველოში
3. საბაზისო კვლევები
 - 3.1. გეოგრაფიული მიმოხილვა
 - 3.1.1. ტოპოგრაფია, გეომორფოლოგია
 - 3.1.2. გეოგრაფია
 - 3.1.3. კლიმატური და მეტეოროლოგიური დახასიათება
 - 3.2. ზემოქმედება მიწისა და რესურსების გამოყენებაზე
 - 3.3. ბიომრავალფეროვნების დაცვა
 - 3.4. გარემოს დაბინძურება
 - 3.4.1. გარემოს დამაბინძურებელი ნივთიერებების მონიტორინგი
 - 3.4.2. დაბინძურების წყაროები და შედეგები
 - 3.5 სოციალურ-დემოგრაფიული მდგომარეობა
 - 3.6 გრიგოლეთის სანაპირო ქვიშის მაგნიტური ანომალია
 - 3.6.1 პროექტის მიერ ჩატარებული ღონისძიებათა დეტალური აღწერა
 - 3.6.2. პროექტის მოსარგებლე ჯგუფის მონაწილეობის აღწერა

3.6.3 პროექტის რაოდენობრივი შედეგები

3.6.4 პროექტის მყისიერი გავლენა მიზნობრივ ჯგუფზე

3.6.5 პროექტის გავლენა ზოგადად საზოგადოებაზე

3.7 ლანჩუთის მუნიციპალიტეტის სოფელ გრიგოლეთის მოსახლეობის საჭიროებათა და ტურისტების მომსახურების კმაყოფილების ხარისხის კვლევა.

3.8 სანაპირო ზონის განვითარების პრობლემები

3.8.1. ბიო-ფიზიკური ხასიათის პრობლემები

3.8.2. სოციალურ-ეკონომიკური ხასიათის პრობლემები

4. ძლიერი და სუსტი მხარეების, შესაძლებლობებისა და საფრთხეების (SWOT-ანალიზი)

5. პერსპექტიული ხედვა 2021 წლისთვის

6. სტრატეგიული მიმართულებები და ამოცანები სოფელ გრიგოლეთისთვის

7. 2017 – 2021 წწ სამოქმედო გეგმა - სოფელი გრიგოლეთი

7.1. საპროექტო მიმართულება: საჯარო ხელისუფლების შესაძლებლობების განვითარება

7.2. საპროექტო მიმართულება: კომუნალური ინფრასტრუქტურისა და მომსახურების განვითარება

7.3. საპროექტო მიმართულება: მცირე და საშუალო ბიზნესის განვითარება

7.4. საპროექტო მიმართულება: ტურიზმის განვითარება

7.5. საპროექტო მიმართულება: პლაჟის ხელმისაწვდომობის უზრუნველყოფა და ტერიტორიული დაგეგმვა

7.6. საპროექტო მიმართულება: ბუნებრივი რესურსების და მატერიალური აქტივების ეფექტიანი მართვა, მდგრადი განვითარება.

7.7. საპროექტო მიმართულება: მცირე და საშუალო მასშტაბის სოფლის მეურნეობის განვითარება

7.8. საპროექტო მიმართულება: ჯანდაცვის გაუმჯობესება

7.9. საპროექტო მიმართულება: ეკოსისტემის აღდგენის ღონისძიებები, გარემოსდაცვითი საქმიანობა

7.10. საპროექტო მიმართულება: კულტურული და სპორტული ტრადიციების განვითარება

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

კომისიამ მიიღო გადაწყვეტილება: „კურორტ გრიგოლეთის მდგრადი განვითარების სტრატეგიული გეგმის დამტკიცების შესახებ“ ლანჩუთის მუნიციპალიტეტის განკარგულების პროექტის თაობაზე.

განკარგულების პროექტი გადაეცეს საკრებულოს 2019 წლის 27 სექტემბერის სხდომას განსახილველად.

მომხრე 11; წინააღმდეგი არცერთი.

4. სხვადასხვა.

1. **ემზარ თევდორაძემ** განაცხადა, რომ ლანჩუთის მუნიციპალიტეტის სოფლის გზების მიმდებარედ გაუვალი ბუჩქები და ეკალბარდებია. აღნიშნულ გზებზე მოძრაობს ადგილობრივი მოსახლეობა, სტუმარი და დამთვალიერებელი, დიდი უხერხულობა იქმნება მოუწესრიგებლობის გამო. სასურველია გაირკვეს ორგანიზაცია, რომელიც ვალდებული იქნება დაასუფთაოს სოფლის გზის მიმდებარე ტერიტორია.

2. **ელისო ჭიჭინაძემ** განაცხადა, რომ სოფელ ლესის მოსახლეობა ითხოვს მოსაცდელის აშენებას, რადგანაც უამინდობის დროს მოსახლეობას პრობლემები ექმნებათ.

3. აკაკი იმნაიშვილმა განაცხადა, რომ ქალაქის ცენტრში „ლიბერთი ბანკის“ მიმდებარედ ავტომობილები ჩერდებიან და მთელი დღის განმავლობაში ეწევიან გარევაჭრობას, იქმნება საცობები და საავარიო სიტუაციები. აუცილებელია შესაბამისმა სამსახურმა მოაწესრიგოს სიტუაცია და დააწესონ შესაბამისი სანქციები.

4. გიორგი გვარჯალაძემ განაცხადა, რომ მდინარაბის ქუჩაზე გაუსაძლისი მდგომარეობაა. აღნიშნული გზით სარგებლობს მრავალზონიანი კორპუსის და ამავე ქუჩაზე მცხოვრები მოსახლეობა. ავტომანქანით გაეღა უკვე შეუძლებელია, ასევე წვიმის დროს ზაფხულის უუქვრსდებათ გადაადგილება. აუცილებელია გამოიძებნოს ფინანსები და დროულად ჩატარდეს გზის აღდგენითი სამუშაოები.

5. იოსებ ჩხაიძემ განაცხადა, რომ აუცილებელია დროულად გაცეიფდეს ქალაქის განაშენიანების გეგმა, რადგანაც უახლოეს მომავალში „ავტობანის გზა“ შეიქმნება ქალაქს. მოსახლეობა უკვე იწყებს სამზადისს, რაიმ აღნიშნული გზის გასწვრივ გააკეთონ სავაჭრო ობიექტები, რაც გამოიწვევს ქალაქის სპონტანურ განვითარებას და ქაოსს.

6. სოფელ გვიმზალურში, ვლადიმერ ჩხაიძის და კიდეც სხვა მოქალაქეების საყაენ ფართობებთან მისასვლელი გზა ჩავეტა ჩინურმა კომპანიამ, რის გამოც მოსავალი ვერ აიღეს. თხოვნაა, გაუკეთონ მისასვლელი გზა ან დაამონტაჟონ სანიაღვრე არხის გვირაბი.

ამით კომისიამ მუშაობა დაასრულა.

ლანჩხუთის მუნიციპალიტეტის საკრებულოს

სივრცით-ტერიტორიული დაგეგმარებისა და

ინფრასტრუქტურის კომისიის თავმჯდომარე: გ. გვარჯალაძე /გიორგი გვარჯალაძე/

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისია

2800 ლანჩხუთი, კოსტავას 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის

სხდომის დასკვნა N6

ქ. ლანჩხუთი

26.09.2019 წ.
12.00 საათი

2019 წლის 26 სექტემბერს მოწვეული იქნა ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სხდომა.

სხდომამ განიხილა დღის წესრიგით გათვალისწინებული საკითხები:

1. „ლანჩხუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების - ავტომანქანის პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის №14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

2. „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

3. „კურორტ გრიგოლეთის მდგრადი განვითარების სტრატეგიული გეგმის დამტკიცების შესახებ“ ლანჩხუთის მუნიციპალიტეტის განკარგულების პროექტის განხილვის შესახებ.

კომისიამ მიიღო გადაწყვეტილება:

დღის წესრიგის პირველი საკითხი: „ლანჩხუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების - ავტომანქანის პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის №14 დადგენილებაში ცვლილების შეტანის თაობაზე“

წარმოდგენილი დადგენილების პროექტი შენიშვნების გარეშე გადაეცეს საკრებულოს სხდომას განსახილველად.

დღის წესრიგის მეორე საკითხი: „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერიისთვის საანგარიშის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

წარმოდგენილი განკარგულების პროექტი შენიშვნების გარეშე გადაეცეს საკრებულოს სხდომას განსახილველად.

დღის წესრიგის მესამე საკითხი: „კურორტ გრიგოლეთის მდგრადი განვითარების სტრატეგიული გეგმის დამტკიცების შესახებ“. ლანჩხუთის მუნიციპალიტეტის განკარგულების პროექტის განხილვის შესახებ.

წარმოდგენილი განკარგულების პროექტი შენიშვნების გარეშე გადაეცეს საკრებულოს სხდომას განსახილველად.

ლანჩხუთის მუნიციპალიტეტის საკრებულოს

სივრცით-ტერიტორიული დაგეგმარებისა და

ინფრასტრუქტურის კომისიის თავმჯდომარე:

გ. მ. მ. მ. გიორგი გვარჯალაძე

ლანჩხუთის მუნიციპალიტეტის საკრებულოს სივრცით - ტერიტორიული
დაგეგმარებისა და ინფრასტრუქტურის კომისიის
სარეგისტრაციო ფურცელი

26.09.2019 წ.

12.00 საათი

	სახელი, გვარი	დაწყების დრო	ხელმოწერა
1.	გიორგი გვარჯალაძე	11.58.	გ. გვარჯალაძე
2.	ცისანა ურუშაძე	—	ს. ხ. ხუბუაძე
3.	კახა ბოლქვაძე	11:55	ს. ხ. ხუბუაძე
4.	ბესიკ კუპრაძე	—	ს. ხ. ხუბუაძე
5.	ოთარ პატიშვილი	11:55	ს. ხ. ხუბუაძე
6.	სპარტაკ კვაჭაძე	11:55	ს. ხ. ხუბუაძე
7.	ლელა ჩახვაძე	—	ს. ხ. ხუბუაძე
8.	ზაზა წულაძე	12 ⁰⁰	ზ. წულაძე
9.	რეზო კვაჭაძე	12 ⁰⁰	რ. კვაჭაძე
10.	კახა თედორაძე	—	ს. ხ. ხუბუაძე
11.	იოსებ ჩხაიძე	11:50	ს. ხ. ხუბუაძე
12.	ამირან ქანთარია	—	ს. ხ. ხუბუაძე
13.	აკაკი იმნაიშვილი	12 ⁰⁰	აკაკი იმნაიშვილი
14.	ელისო ჭიჭინაძე	11:50	ელისო ჭიჭინაძე
15.	ირაკლი მარშანიშვილი	11:50	ს. ხ. ხუბუაძე
16.	ემზარ თედორაძე	12 ⁰⁰	ემზარ თედორაძე
17.	ვენე კვირკველია	—	ს. ხ. ხუბუაძე